



08329

十

刪後詩存卷之四

客星山人陳 梓古銘

古體詩二

留別同學諸子

幽湖苦無山，尋山須遠出。紫微兩撮青，秀色雅可暱。篷船挾琴書，高齋假容膝。舌耕三十年，行役此第一。丈夫志四方，帶水况邇密。豈有離別懷，沾沾顧家室。但念親舊情，臨行歎如失。多年老團聚，忽爾背辰戌。生麻幸爲蓬踰淮，怕成橘病婦。未育兒承先，時惕慄省已。多媿衷陟岡，涕橫溢澆滌。誓今始危坐，整裳鞞贈言。丐仁人良規，警悃逸。

卷之四

觀東坡山谷遺迹

鹽官楊氏藏

紫陽評字推忠謨，嘆息蘇黃胡亂寫。向來石刻半失真，妙趣無由覩瀟灑。宏農世寶寵觀玩，古絹模糊混真假。媿無慧眼通精靈，但覺光芒照檐厦。山沉海沸戲神龍，雨驟雲奔下天馬。衣冠寂寞五百秋，手澤于今見風雅。兩公節概世莫儔，可惜才豪欠銛冶。南朝餘習苦未除，曠達終非古狂者。百行要從修始完，一敬須知破難打。



德成藝下本無二流可溯源胡苟且捲還玉軸發長吁  
坐聽幽泉石間瀉

題得趣齋

趣淡趣乃雅趣濃趣多俗所得苟不同判然竹與肉高  
齋闢幽徑遶砌植梅菊品茶及談詩超然豁塵目吾意  
又不然書豈在徒讀讀書不知味埃垢終滿腹雅俗爭  
幾何風月枉污黷暮春與會點庭草依茂叔此趣吾何  
如啼鶯在深綠

學稼軒爲醇夫題

刪後詩存

卷之四

二

橫經不荷鋤君豈真老農百畝何足憂寸田卜豐凶養  
苗在除莠植根厚培封彼稼穎已獲此稼花尙穠請學  
貴及時抱甕乘高春豈無旱潦灾不望年偶逢躬耕本  
吾分舍業將安從但恐力不鼓中道甘惰慵曷哉飽餐  
飯出門露濃

雪毬花疊韵

絕似同宗好弟兄百朶齊心忒爭競又如聖世良股肱  
協力寅恭奉朝命可知一體同根枝何用此衰分彼盛  
和氣薰蒸密無間冰玉磨礪節彌勁玲瓏瑩徹水晶毬

直是凡花照邪鏡

讀註疏三疊韵

諸儒洵人傑聲氣非壇社名物博引據條貫細瞻寫內  
實紋燦列貌若絲亂把挑燈眼忘酸握卷睡忍舍魯經  
搜真說秦火拾殘瓦所關豈小哉厥功實偉也鐫刊寸  
管餘俎豆兩廡下不有紫陽子幾人道孤寡

疊韵觀醇夫書法

繞紙雲烟落飛鳥筆了神閒意難了與公十載同臭蘭  
不覺海風吹面寒百回熟看忍舍此古帖傳形不傳髓  
刪後詩存

卷之四

三

換鴛換羊均酒材研磨莫惜千年煤題詩作畫聊乘化  
何用霜靴朝五夜

夜風雨折庭樹中有蝨千窟感賦

疑團不破讒乃入餓死不甘節乃失心非不格國乃疾  
君不見庭中大樹高葱葱腹肥飽貯千窠蝨一朝摧裂  
風雨中

疊陶韵答芭君

貧家無卓錫十年三徙宅安分敢告勞朝居不謀夕豈  
乏逢世資懼爲物所役遺廬任推遷天幕地爲席况乃

紫微近企懷自夙昔卜隣忽中阻此意費條析  
秋雨日枯坐感君忽投詩詩中意懇懇勸之亦規之爽  
約固多悔踐言容再思去留無成心行止當隨時幽居  
逢素交良會寧釋茲殘雲宿簷際好風忍相欺

新竹爲園丁斫去慨然有作

養筍待成竹綠影照牕濕初看鳳有毛漸覺鳥能立月  
鋪長放身風折磬如揖新翠草承蔭清香袖分裊不望  
千畝耆聊取數竿集好事多折磨何人誤刪葺霽色失  
烘染春光頓收拾蜂王日徘徊龍孫夜啼泣惡木高成  
刪後詩存

卷之四

四

夜夢

剝月夢三陽虛否却徵秦欹枕默忖量打窓雨聲大朝  
市久絕想豈敢萌意外或者福乃禍警我兆著蔡萬事  
等黑夜未來莫芥蒂說夢真成癡撫床寄長慨

聞聲

孤篷傍石聞嘈嘈納虛枕恍如遊空山瀑聲動酣寢日  
月等流水髡白暗自凜逝者乃如斯吾衰亦已甚

吳芑君移尊招同蔣左黃高南溪遊西山集飲僧

舍月下聽南溪鼓琴次芑君韵三首

欲作山山遊豈曰非非想雲到客不到目往神亦往小  
春來南薰朝靄指西爽我素嬾且病誰能挾之上覽勝  
忽登臨快哉實高敞

覽勝閣名  
快哉樓名

開逕迎蔣君移尊得吳

丈霜林意蕭瑟晴湖晝混漾把袖一岸曠會心共拊掌  
落日方紆徐遙峯更明朗雅集愜素懷新詩記幽賞

坐深客氣消酒滿旅懷暢湖山得賢主烟霞受清餉塵  
務頓洗除披襟見直諒身無官事拘言從隱居放浮生  
本流寓隨境獲嘉貺醉醒各自適天地一何曠象外別

刪後詩存

卷之四

五

領悟眼前儘奇創蟾光照疎林海氣迷遠嶂嘯當續劉  
琨興豈減庾亮峯巔可望越努力振衣上

欲去更留步倚樓看松影霧淨天浩蕩風淒夜清警蛩  
語白草荒鴻飛碧霄迥一悟見本根萬事得要領桐君  
幽以深梓也揖而請忘機聽三美曠懷薄九鼎妙處難  
盡傳靜中時發省蛾眉任謠詠羊腸戒馳騁慎守惟素  
位倒餐有佳境重遊訂後期紅腮穿紫苜

三疊韵寄亦亭

愛身惟慎交儉德貴緘口眉愁力開鎖世網力解紐汪

汪黃叔度流俗混瑕垢混混阮嗣宗臧否莫判剖聲名  
本土苴乾坤一木偶此意誰最真谷口有耕叟  
妾夢化孤雲隨郎渡江去江風湧波濤吹雲向何處

東山宿高村夢先兄

孤村獨臥風撲燈鐵衾不融雙脚冰鈎身強數鼻間息  
華胥暫入悲填膺荆花霜落枝半殘脊令孤飛雲影寒  
披衣向月悵獨立哭哭泣泣兩星濕可憐手足同一身  
割裂無由貫呼吸夢中歡笑只須臾嗞嗞隣雞痛何及

刪後詩存

卷之四

六

晴窗靜中聞鳥喧

小鳥集庭樹一倡喧百和閉目靜諸耳清氣入四座身  
處片席餘心遊兩開大世界如轉輪流光等旋磨飛潛  
各自得何勞怨坎壈不知賤爲辱第覺貧可賀支頤望  
東山曉日雲半破

夢聞亦亭訃

開函淚雙竭失聲爲知己天乎喪斯人吾道其已矣憶  
昨新溪歸挑燈晤周子聞公日三粥未疾漸可起奈何  
五闋宵一跌遽至此得毋委庸工涼劑日蕩洗遂使丙

火銷重陰障壬癸我媿非倉扁病中失經紀平生骨肉  
情患難共生死大義日抗論抵掌各流涕微過必面規  
苦衷實身體清夜長抱慚感激淪骨髓胡然永睽隔咫尺  
判萬里公家值艱虞更僕難屈指十事九不完寸心  
亂如葦惟公知我深我亦會公意覩縷如面談腸斷續  
紙尾鴛湖白茫茫風急月墮水遺編照千秋紅輪揭盲  
否

煮繭行

煮繭然桑枝桑泣蠶亦泣君爲餽底灰我作釜中腊

刪後詩存

卷之四

七

蠶一轉一斷腸年年替人作嫁裳衣被九有誰知恩魂  
飛湯火徒含冤主家仗我完官稅殺身報國亦何悔吁  
嗟以我作鵠兮臣當忠廟堂肉食何從容繭絲保障居  
何功

題楊鰥溪畫鷹

霜巖風急秋草白霧裂雲披勁梳翮獨立四顧知者希  
飢不附人飽豈飛臂韝砵上空獻歆却笑郢都作中尉  
奮身常搏大鵬雛草間狐兔胡爲乎

張節婦挽詩

楊園先  
生孫媳

窮冬標勁柏奔湍勒危花辛苦十六霜長宵抱冰臥既

作湘纍沉復爲疊山餓

夫死卽投水家人救之復絕食十四日

豈無陽春

花繁紅自婀娜斲博行道憐狂飈迷颺簌盤石有轉移  
金鑑有完破妾心澗底月不受塵泥宛祖風遡濂閩潔  
身氓織過醇儒與貞婦大小各擔荷千秋拜雙墳頽俗  
激頑頓

耳聾詩贈蔚蒼上人

方外絕外交靜中本無物黜聰爾何心年衰水先竭社  
酒不奏功無勞事禳祓客至兀坐對寒溫各彷彿疾呼  
刪後詩存

卷之四

八

反相笑倚座自捉拂此間有眞意守黑在一默何當挽  
澆漓羣生歸渾沔

題張致中山水

水閣風生日亭午花落松陰鶴梳羽幽人睡起喚山童  
白月一甌烹顧渚柯亭三弄隔溪船吹落梅梢五月天  
遊仙何羨蓬萊頂我欲攜瓢挂此間

閒燕處酒後咏庭前桃花呈外舅農村先生

誰將海底枝飜霞照籬側自遭祖龍忌胭脂慘無色一  
林紅雨飛漁榔響溪北試問武陵人生年是何日前身

得非梅中酒面發赤放杯各相笑醉醒兩不識

客樂聞醇夫述鷹窠峰山水之勝有懷夏友梅抱病却

鷹窠峰頂日未白鷹窠峰下水沉碧風流學士癖烟霞

迂指慕長借茆廬閒抱膝萬山曉色入漁船三月桃花媚

行客飽餐曲曲恣尋遊支筇直上青冥宅激湖城邊鴉

亂啼舊家門巷朱摧題指克軒先生湖光曾照幅巾影空堂

紫燕愁銜泥鷹窠主人後來秀書窟窮搜骨柴瘦山祠

初構棟雲飛馬鬣重封樹陰茂克軒有建祠改墓二古詩頌友梅我昔

匆匆倦登歷合壁難逢破昏黑便須載酒看銀濤東道

惟君伴寥寂及時將養藕花開一葉共泛青荷盃

中秋同鶴南玉村天香館看桂晚歸集飲琴趣軒

散步遶花溪曲逕循北亞敝裾掠荆榛茆舍夾桑柘攀

巖坐天香古藤絡高架修竹颺空綠秋光向天瀉黃雪

色初耀金粟枝未謝鼻逸若不聞無言與俱化但覺啼

鳥喧敗葉時一下歸路衝夕陽涼風吹襦袷琴軒集雅

客深情膩杯筓肥羔切玉脂醇酒瀝霜蓆小雨忽酒牕

幽懷惜良夜姮娥憐羈人微雲掩羅帕誰能天柱峰玉

盤剖新硯

擣衣和謝惠連韵寄家人

別夢澗弦朔夕景驚矢催方虞葉敗荷已見花糝槐栖  
鴉遶樹急促織當牕啼秋氣入枕簟明蟾燭幽闈闈人  
病初起碁杵誰提攜寒風念羈旅蓬首強下階碁聲無  
絕響雁聲有餘哀補綻刻期日吮毫自緘題尙恐煩客  
心未敢封當歸記我手中迹看取身上衣蓼花與梔子  
辛苦並頭開不識居者心安知行者非

離情和張司空韻

刪後詩存

卷之四

十

乍別春又半碧草盈階墀惜花倚芳樹愛月牽孤帷愁  
緒觸手生冉冉蚕吐絲把鏡憐飛蓬豈無膏沐滋何用  
并州刀斷我繾綣思夢中苟識路相逢亦有期

題古梅軒蘭花

百花紅白逞脂粉惟有此花涵碧玉生來稜角不諧世  
翻笑梅花太圓熟亭亭秀浥曉風餘朵朵含膏鬢新沐  
人間蕭艾方盈腰誰識幽香保初服丹心祇得蜜蜂知  
君不見高厓拱背獻王時

答俞千里惠指墨桃花便面

山人指上蟠桃花千歲丹心自生祗移來紈扇燦丹黃  
篆穎紅鐫志千里感君厚意祝宜男百遍摩挲齒爲啟  
桃根雖老桃葉繁裏核投崖終結子吟詩看畫轉自憐  
誰苦誰甘問茶齋  
山爲題四皓圖  
東漢富春叟西漢商山翁千古此芝草一代餘高風豈  
肯越俎謀羽翼扶東宮留侯狡獪技幻化無是公可知  
溺冠者虛名亦尊崇商山今何如徒見茂草封松濤響  
雲際飛泉出空濛圖畫僅皮相猶有精靈通

刪後詩存

卷之四

七

題沈山耀執玉圖

不貪乃爲寶方寸貴自珍懷仁而抱義何必瑜與瑾可  
知山翁寓意不在迹以身爲教慎所執人生腔子纔七  
尺中有無形之玉潤而粟藏以待時保其璞銜而沽諸  
化爲石此意獨得翁不言吾當循委泐厥原寄語世上  
蚩蚩氓若者爲玉若者珉玉可爲珉珉可玉執玉先尊  
辨玉人

試問味何水爲濂洛耶爲曹溪吾恐衆流汨汨渾如泥

試問水何味爲醴泉耶爲淳涵吾知舌本津津妙難吐  
上人孤坐釣鼇石萬頃湖光雙眼碧不勞卓錫烹龍團  
團瓢自吸波中月問水問味兩不言得其所得誰與傳  
君不見秋濤障海天無邊

高竒峰病瘡以顯者名號置髮間頓止感而有賦  
陳檄愈頭風杜詩止疲瘡所以祛崇邪實賴正氣燦區  
區顯者名何足代針灼居然奏奇效聞名頓畏却可知  
炎涼症當用勢利藥昔鬼與今鬼相去萬里若昔鬼重  
文詞今鬼慕官爵陰陽通世運氣類有憑托斯理實尋  
刪後詩存

卷之四

十一

常吾言非嘲諷

追和元人韓莊節先生題謝臯羽西臺碑

富春江碧沉古天冬青樹老穿九泉泉底母珠貫虹白  
寒光淬礪金石篇蓬萊仙子顏色好鏡裏桃花春不老  
含愁不肯嫁東風血淚斑斑灑蒼昊霜摧雪剝千萬秋  
寒日凍雲凝暮愁蟾宮玉斧手自斲山河破闕七寶修  
西臺一片漢時土鼯鼠年深石解語碑根稚松百尺長  
會見嬰兒生空桑

踏海歌

有序

葛子千秋諱某三十年前與余聚蜀山草堂抵掌快論今古事有卓識不數年患痢疾久不相見一日聞蹈海死悲哉奇士不得意遂發狂疾要其志迥出流輩萬萬矣夜坐追憶作蹈海歌

海昌城邊晚潮急白馬崩騰老鼉立朔風夜捲萬山雪  
九地雷鳴飛列缺道人大笑赭山巔口銜壁月手捫天  
人間齷齪不可處我欲騎龍上天去奮身直下洪濤間  
長鯨不動安如山蓬萊俄頃見樓閣攜手羣仙爭笑謔  
始知天外有神州大悔廿年塵膩脚如今眞作奇男兒  
魯連細黥良可嗤佳城峩峩魚有腹何用空言嚇流俗

刪後詩存

卷之四

君不見玻璃萬頃浪中身不作神仙亦可人

題斷雁圖 有序

鈕子膺若爲故人朱丹谷沈人鳳孫立亭陳慈明陳翔南嚴德興金鞞文于廷贊朱倫表駟御也

嗚呼此道令人棄如土生者不相親死者何足數誰能  
惜離羣一飛一回顧零落不成行哀鳴向天訴秋風颯  
颯秋露寒重雲黯黯天漫漫十雁兮團圓一雁兮孤單  
一雁兮躑躅十雁兮悲酸哀今之人兮結交實難

靜愉齋月下觀梅花

見月不見梅但疑月生香見梅不見月又疑花生世二  
妙合爲一是間孰主張花日月愛我艷翳所寵光月曰  
花白媚冰雪所發揚我謂非花亦非月花豈能香月能  
白暗風一片撲袖飛獨倚石欄池水碧

次蔣檐斯韵寄白下沈景范

東風已送梅花去羌笛何勞向天訴山陽有客逐江雲  
詩瓢却傍金陵住金陵酒賤愁易消春深不作懷春句  
莫愁湖上聽吳歌月子灣灣掛楊樹有情那得不思家  
登樓應誦歸田賦三月楊花撲地飛馬頭認取來時路  
刪後詩存

卷之四

古

吳蠶上箔麥登場待爾田家醉眠處

真然題張莘臯葬會冊

昔王曉菴贈紫雲何先生詩三黨親疎均待澤  
一民飢溺也關心在今日當移贈莘臯子矣莘  
臯七載前創此舉三十餘家各已入土今復  
踵行樂善不倦敬成二十韵以爲未葬者勗

一抔豈難圖四海盡人子奈何劬勞思黃土不掩體富

者惑堪輿貧者困薪米頭白徒嗷哀

遷延誤三俟

唐灝如先生社約云既俟地又俟年月之  
利又俟有餘資此三俟者遷延歲月勢愈  
重而罪愈深唐公澤枯骨良法開後起紹述有仁人錫類及

鄰里衆擎互扶將一信保終始統率歸四宗暇裕盡七

祀始壬子爭先固欣欣後舉亦塵壘薄罰非過苛踰期

實堪恥豈無簞瓢客徒手痛毛裏別有幹旋術泉刀代

經理用意何精詳聞風各涕泗會中極貧士八人有力者捐金爲權子母代發

費葬我貧寄餬口頻年悵羈旅坐視親申間纍棺遍堂坵

手援坐無力空談取訾毀彼非空桑兒積習成波靡此

卷倘流傳同病冀磨砥並世有典型薰德無遐邇毋使

引領人呻吟九泉底

喜收立夏後三日徐朗行施嘉木過破

涉江足勞頓瘍癰患腰脚日晡便高眠永夜苦摸索清

刪後詩存

卷之四

五

風來故人隔離花半落展聲破殘夢燕語曉穿幕披衣

喜迎迓積悶頓釋縛握手各問訊蒼顏判今昨頷髭忽

添絲雙頤瘦如削往還僅千里笑我太劣弱丈夫志四

方馬革拚沙漠鄉閭咫尺間出門遽前却百務需精神

千秋有憑托峩峩太行巔誰當理世屨二君尙英少勤

惰早對酌勿學老夫荒白日坐銷樂

不寐

疥癢苦剝膚爬搔每申旦敝帳饒孔竇花豹更彌漫閒

思極排遣精氣慮渙散不念家有無安問世理亂伏枕

默數息合眼自欺謾華胥香難卽邯鄲路中斷旋聞遠  
鷄唱俄見旭光燦意倦心轉清旣笑復興嘆少時倒頭  
睡鼾聲徹里聞百喚了不應日高尚泥爛忽忽始衰年  
寸心劇憂寤瘦骨支長宵屈膝屢摩按無兒受人侮無  
學令人玩頭白可奈何披衣理茶爨

慕迂送荷花蓮子

急足冒急雨打門送荷花香氣透十步當戶蒸烟霞手  
中一函書副以兩蓮實上言花好方德馨下言子多叶  
占吉感公厚意寵嘉獎力洗瓦罌清供養自慚蕪穢背

刪後詩存

卷之四

七

花立卅載讀書未穿笈脩途疲蹇日漸淪短綆羸瓶古  
難汲荷衣凋敝風颯然碧房無珠含冷烟苦心抽盡髮  
如雪冰姿玉貌空嬋娟博山灰死然水沈一杯醑花花  
有靈念我先德種未絕嫩枝挺榦仍惹青空言慰藉乍  
驚喜剖實傳看綠玼玼人生定分胡可強得花看時且  
同賞門外雨聲急如箭坐對平池半篙長

書友人便面

大暑揮扇汗浹背利耶名耶果何爲或嫌小草太簡率  
或病大書不經意或疑倩筆僞填款或怪兄翁別稱謂

我本無心稱物施人之多言良可畏從來巧者拙之奴  
藝成而下古所吁昔者吳門徐孝廉

名

洪皓如秋月涵冰

壺未免多才廣書筮有道躑躅空迴車

楊園先生曾訪徐昭法于吳門

見市人多持徐所書筮遂返

可知枝葉不貴繁于支萬派須尋源北

窗修竹風灑綠儘有遺編未經讀不然默坐省前愆雙

髻雖澗尚能贖胡爲筆墨任驅使斷送韶光一張紙急

須焚我三次石叉手池南看天碧

海神廟

海寧潮數壞民田廬塘久不就官司因搆海神廟費千萬萬錢制極宏麗三年始成友人屬余

刪後詩存

卷之四

三

作此禳之

吾聞龍王居海中平陸乃有龍王宮龍王好佞不擇地

但取遊觀適吾意前有高臺後有圍簷角風箏燕雀語

椒房玉佩夜丁東珠簾拂檻燭影紅殘月四更雞喔喔

天仙閣上歌未終塘官早起督工作昨夜潮頭撼東郭

農夫輟耒羣咨嗟朱籤四出蓬門譁急趨畚揭忍飢餓

小鼓蓼蓼呼荷荷鳩形鵠面勞作歌龍王龍王將奈何

連年田畝化斥鹵棉花不收麥長蛾老者愁哭少者啼

白骨可築堤難爲朝廷不惜錢小民不惜力構此渾渾

居爲王安樂國王應答君貺拯我下民厄王慈豈不憫  
我勞一瓦一石均脂膏九重一片愛民心軍興之際度

支罄九牛高臥兩虎蹲每塘鑄九牛二虎不是虛文空厭勝酒

在壺兮肉在俎王之來兮旗濕雨聽我歌兮巫屢舞波

平平兮海之漭其時或可畏或可哀或可憐或可

歎油蟻行手前驅蟻亦蟲也音計謂蟻谷自蟻計實

瓦罍貯燈膏聊用給宵課隔夕不檢視羣蟻轉如磨死

者已沉綿生者尙欣賀豈不惜軀命機關未叅破口腹

多喪身得失無細大安知笑蟻人不爲蟻所唾

刪後詩存 卷之四 賦

補 題畫鴛鴦

不見鴛鴦樹却憶鴛鴦湖湖中碧藕花映日顏如朱雙

飛戲晴浪羽毛何麗都花鳥均有情照影各自娛相看

不相妬羣生遂其初如何採蓮女回首長嗟吁

不盡令肉至服王支來令然齋所與爲解令正

支管長牛高州兩武親中二賦

賦後詩存卷之四終

答孫頭翁爲中吳刺史

賦後詩存卷之四終

刪後詩存卷之五

容星山人陳 梓古銘

古體詩

三

麥日飲危東書屋酒後過師儉堂宿與鈕膺若同

賦

欲別不忍別昨去今重來危東一徙倚雜坐傾尊鬯醉  
作擘窠書落紙鴉塗煤是日東南風薄暮雨洗埃陰晴  
主麥秋預防氣候乖殘黎待春熟積歉良可哀何心復  
懼呼燭跋猶遲徊南隣許下榻草堂稱去聲幽齋顧此師

刪後詩存

卷之五

一

儉名觸我平生懷飢驅天各方聚散憐朋儕他時重回  
首良宵記追陪洗盞莫更酌恐有晨雞催

吾廬卽席作古鏡歌呈芬佩

山翁治圃疎沼淤沼底擬種青芙蓉鋤頭錚錚齒欲折  
土色黃紫光涵虛中有古鑑徑咫尺稜稜圭角呈方諸  
朱斑剝落翡翠殘水侵蟲蝕無完膚骨格不朽真氣存  
精彩奕奕清而腴急呼良匠細磨琢塵霧一揭卿雲舒  
燭天星斗掣虹霓飛梟下墮妖魔驅平生惡圓自怪僻  
見此廉隋神與俱酒酣把照熟摩撫散雪碎絲驚鬢

寸心徒有照邪鏡，寸管空自巖。褒誅朝吳暮，越成底事蹇。驢躑躅山崎嶇，逍遙那及吾。廬翁繞池種，桑三百株。兒孫團膝娛，萱堂日對鏡。屏閒著書

題從子小照

古人抱郭時，寄意特深遠。耳邊瀑布聲，混混有原本。一鶴方凌霄，一鶴趨旋展。是閒默參取，天機扶幽顯。問爾何所得，微笑剝苔蘚。

虎林舟中作

山中間杜鵑，勸我歸嘉禾。村中間杜鵑，呼我歸曹娥。令刪後詩存

卷之五

二

我出戶還入戶，欲去欲住兩無主。不如留滯西子湖，有花有酒聊自娛。中立其免許我乎

山齋前新排荷花缸，因憶去夏也。圍看荷有來年辦荷缸之句，似有詩兆。

前夕道上河沿塘，開荷花香風拂柔櫓。吳娃遞吳歌，窈窕鏡湖湄。灼灼當窗紗，移船就沽酒。把盞一婆娑，山齋東郭隅。雜卉筌新篔，鑿沼苦無壤。瓦缸蓄清波，下種雖後時。綠葉當交加，恍惚雙峰間。拖屐環青蘿，小詩卜先兆。竹榻歸巖阿，斜日在屋角。白絲挂頭顱，何時採蓮子。

碧筩吸黃鵝

食楊梅

吾昔語稟齋不能入粵啖荔枝尙當還越餐楊梅今來  
飽噉適如願衫袖日染濃胭脂人言性熱不宜客吾衰  
何碍甘如飴飲冰旣久世味淡惟此積習猶羈縻楊家  
此果實奇特不似桃李粘癡皮萬針蝟磔寒纍粟一丸  
紫血冠山雞元宰雕刻寵雅人食多寧患傷詩脾盤空  
洗手忽長嘆杳杳孤鴻天外飛伯子下榻廿年前此物  
亦應登品題如今塚上楊梅樹青青六尺方齊眉

刪後詩存

卷之五

三

靈泉

龜山麓石窠水清冽雖旱涓涓不絕俗呼  
爲龜潭余更其名繫以詩示郝甥邑征

早久井泉竭一勺流涓涓赤日方焦沙卜兆難回天惟  
此土中母金水留真源味甘氣芬馥松聲瀉潺湲日鑄  
滿甌碧伏暑澆煩煎譬若酷烈世忠良悉刊鐫尙遺讀  
書種談經腹便便郝郎晨起汲鏹繡愁人先烹嘗奉阿  
母皓髮忻開顏安知水無靈爲君佐承歡吾當更錫名  
力洗塵語喧誰能覆茅亭大書表靈泉

題汪氏一門五節傳後

倭人寇東海汚我中國民窈窕金閨婦聯袂供笑嘖山  
谷盡喪氣波濤空怒奔汪氏有五烈誓不與虜存從容  
娣姒間死所商話言入山不如水保我芳潔魂惟彼青  
菱池菱花方鮮妍照我三婦容明月何娟娟回頭盼祖  
姑含笑攜女孫團圓入清波各灑冰雪春馮夷亦驚喜  
水氣成五雲綱常大家事私之在一門應令造物妬孤  
根枝不繁惟有池底泥千載如瑤琨

景女篇

吾邑人許字  
周夫亡守節

理本無兩是未婚當守死不守者如何未聞禮禁此卓

刪後詩存

卷之五

四

哉景氏女一纓繫終始生許周家郎死伴周家鬼雖曰  
賢者過此道亦難矣奈何歸太僕反爲守節恥紛紛事  
兩朝不見讀書子諸生能殉國亦足光青史

雪竹

處世忌太潔我愛臘底雪處世忌太剛我愛風中篁以  
雪壓篁篁不知碎玉鏤葉冰膠枝兩美合璧誰幻此南  
高峯頭瘦腰子我欲畫竹筆無力我欲畫雪紙無色不  
如保此數竿白翠影寒光坐明月

次雪漁雪春塢看李花韻

山人前身李謫仙珊珊雜佩來塵寰幻形化作千樹白  
皎皎玉立春風前此中佳境天所造不數良嶽兼平泉  
當晝清絕夜更縞淡烟幾縷月半環此時倚杖一憑眺  
雲生兩腋風冷然誰歎題作雪春塢聞名悔不窮幽妍  
謝侯清賞得佳句倏忽光彩生毫端挑燈擁鼻細吟諷  
浩蕩未易搜岷源媿我飢駢髮空槁畢生露處無片塵  
徒從畫史借茅屋臥遊坐遣消殘年如今努力強好事  
急須售取老硯田振衣來此同蹢躅傍花自結矮亭子  
晴雪滿山春四邊浮生何必蓬壺巔三杯霑醉舞僊僊

刪後詩存

卷之五

五

九區一任塵飛翻安能到我雙眼間

津夫許寄荷蟹久不到

道人筆管開荷花香氣直從心孔出不種淤泥長墨池  
朶朶淡雲籠曉日道人五指生雙螯入足屈曲芒如刀  
視邊郭索聽不徹海月夜白秋風高昨來踞坐述游戲  
索我秃筆寫醉意放杯解衣若有會雙眼看天手畫地  
兒曹伸紙請立揮一笑不應旋告歸四山風雨赤脚去  
高臥自入雲深處臨行許我重寄將十紙五紙何較量  
榻來彌月風蕭然池面荷葉枯如菅蝻蟀黃甲鬧秋市

筆底不見青爛熳是豈有意懲瑣屑壯夫恥屈雕蟲間  
平生玩世老更達自許天機呈活潑安能局促從腐儒  
終日泥塑談程朱或者深搜窮日夜一技便思造神化  
自非矜惜定懷歉不敢陵人虛假借君不見斗筲之器  
容幾何寸長尺短爭么麼得君此意良可師山風入襟  
吹我髭

黃公癖硯成硯瘵薄暮抱硯來蕭齋雨過不惜泥沾鞋

命我傾篋當牕排方圓斜側制各乘宿漬一一憑洗揩

刪後詩存

卷之五

六

紫玉腰束青如緇蕉葉淡白灰荳蕪羅紋縝密絲纏結  
金星閃爍騰寶釵座客目眩紛詠諧柔滑膚膩勝吳娃  
就中何者品最佳選尤拔萃升殊階揣摩不放纖毫差  
酌水磨試猶形骸獨取神髓骨見柴譬若良馬騮與騶  
肉眼不辨塵土埋美玉豈少披褐懷明珠往往投枯厓  
草茆甄別惟吾儕誰當煉石師女媧酒酣燭跋鼓打街  
出門流水聲潄潄

別遜野老梅

爲愛老梅樹移家坐梅下風雪同咀茹寒香透頂蹀便

擬長結隣朋來聯白社如何鶴鶴聲轟檐爭餓馬蕭蕭  
七載間蓬窗葉空打幽湖有耕耦招我陳三瓦破屋不  
可留別公實難捨已呼畫史繪作圖傳江南北好事者  
祇應高士閒品題未許凡夫浪塗寫攜歸茅屋辦香前  
清露朝朝莫商學  
方竹杖歌謝雪漁  
天台之峰雲拂天上有萬丈青琅玕中虛外方秉正直  
高節磊落枝干盤謝公憐我老蹶躄斫取八尺秋霜寒  
我閱四載渡兩江涉波涉嶺愁險艱扶持未有親骨肉

刪後詩存

卷之五

七

往往泥塗猝顛撲生來柄鑿與世違惡圓及天罰取酷  
廉隅自飭本無心無奈人情尙圓熟杖乎杖乎吾今與  
爾將何之東漫漫兮海水飛西漠漠兮塵撲衣維南屹  
屹方城山昔有希直生其間天姥我夢遊黃巖我鄉關  
吾將仗爾力逍遙赤城巔大雷隱隱龍出窟金鰲射月  
天門翻檣溪橡栗飢可拾桃花繞洞霞當餐謝公雅有  
濟勝具不藉提攜先我去莫棄窮愁白髮人待我瓊臺  
結茅住

答敬修疊韻

欲別期尙寬未話齒先冷越山實桑梓幽湖非鄉井挂  
帆何必遽拂衣豈爲幸結交貴知心不在慕勿頸腐鼠  
嚇大鵬土偶笑桃梗此駕不可迴吾意默自省但念驪  
歌喧頓覺馬帳靜悵望隔溪雲低徊夕陽嶺

寄懷沈哲綸

我昨夢生兒旣覺淚濡席羨君晚舉子昂藏長過膝奈  
何數相晤坐對每壹鬱自言老且憊近復增血疾聲啞  
詩輟哦腕顫書擱筆不久當歸泉速如官赴驛長興寡  
妹來有女絕兒息謂我粗可支手足藉憂恤豈知室磬

刪後詩存

卷之五

八

懸盜粟不盈溢開篋取藏帖古硯黑如漆呼奴持向市  
顧者百無一念此慘迫狀瞋目萬事畢少妾立可遣稚  
女或謀匹惟有六尺孤教誨誰督率言罷涕交頤令我  
悽入骨托孤仗友生此事實媿懼人生過五旬前途概  
可必所以曠達士買田悉種秫無兒徒感傷有兒復啾  
啾老天亦難爲填壑那免闕不如陶一觴移床就林樾  
身後安可期晚涼看新月

題謝式南小照

式南手持式南照向我展圖對面笑我觀二公如弟兄

一母脫胎兩相肖是誰着筆熟摹擬云是文侯老孫子

文侯名彬

文侯墨妙我數見往往精光目爲眩傳來遺法寫

海鶴

式南別字

碧浪青霄自飛躍寫馬皮相馬失真畫鶴羽

毛非鶴神梧桐槁死鳳不下風葉秋高髻邊卸雄心一

片老何成呵筆弄墨虛平生君不見雙眸炯炯七尺身

此豈尋常行路人

訪遯野老梅

霽旭破薄霧短棹緣疎林十里冰膠舟泊岸聞青禽老

梅我素交隔歲重追尋白朽龍蛻骨黃凋蟻攢心屹屹

刪後詩存

卷之五

九

冰雪軀南渡沿至今可憐七載間酸風伴清吟率爾舍

君去回首烟霞深東家酒新筓暫留向我掛繞樹一排

徊自傷雪髯侵欲別聊折枝古香逗衣襟

爲武康山人題桃源圖

吾愛武康山夢想緣獨淺青羊老東床別業曾題卷

謂蔡

效清

忽忽六載餘問津約虛踐瞥見桃花飛一片落翠巖

洞口初繫船林間已嗥犬曲曲桑麻紆行行阡陌轉白

叟與黃童朝宴復暮餞世外無此風山中冷然善武康

今何如幽境定寬衍我亦舊漁郎可能分一鬢

題夏森怪石

古屋三間倚蒼壁五載山中聚頑石其間點頭不數見  
見者羣怪說且喏天之生石怪乃靈小怪大怪隨賦形  
化工所欠畫可補前者坡老後考亭夏君何人迹亦幻  
玲瓏鑿出芙蓉瓣似從雨後新長苔溼髻蓬鬆雲亂綰  
吁嗟此石雖怪怪未奇吾意別具清而羸七稜八角觸  
時眼皴霜皺霧錢捲皮森乎森乎不可起誰當追魂一  
寫之

題可人畫竹

刪後詩存

卷之五

十

吾昨謁禹陵疎篁遶巖下烟凝態朦朧風擺意瀟灑入  
畫當絕殊苦無老可寫片帆泊幽湖吾廬整杯罍小可  
聞斯言色沮半响啞瞋目復大笑世豈乏良馬但得九  
方臯後來卽古者奮袂自激昂雙管忽齊把須臾竟幅  
成溪雲向檐瀉乃知神所造今昔無真假捲取贈知音  
張屏輝大厦

雪中限韻

出門天迷茫欲行阻歸帆不緣封姨慳苦爲滕六賺山  
川如玉壺乾坤一冰鑑照我鬚眉寒頓覺方寸湛嗜潔

塵肯汚食淡鹽不蘸支屏博酩酊世路多缺陷朗放  
晴旭汝湖篷可泛

是亦飢鳥

危巢寡宿糧菲簷無遺粒薄暮帶雪飛哀鳴向人泣  
餓中有薄糜殘薪火炊濕五口不充腸兒啼傍鍋立回頭  
語飢鳥窮戶爾勿入東家簫鼓喧門前馬方繫宴客烹  
羊羔斲養飲羹汁爾往啄其餘旬日差可給啾啾亦何  
爲栖栖復奚適爾飢我更飢相對重于邑

題許淵谷鳶飛魚躍圖

刪後詩存

卷之五

十一

我非鳶子非魚胡爲熟視此圖嘻且吁鳶有天魚有淵  
我何所有心憬然紙上風光眼前取箇中妙趣君不傳  
微言試扣子思子萬古茫茫一天水魚可戾天鳶可躍  
姚江執說兩無着江門竊此弄元機躍其所躍飛爾飛  
斯理日在灑埽中脚踞實地天根通許公勘破已十年  
宦海風濤早挂冠格致人生夢覺關窮通得喪何足言  
我有天淵方寸間會心豈獨魚與鳶

疊韻寄津夫

山巔長嘯花勃發當晝高天墮星月醉餘塊壘十年消

滿腔融盡春窩雪，草堂歸臥撥爐香。新篔又熟鷺雛黃。  
研北殘編供大嚼，一個遊蜂打窗格。何時鑽透紙孔白。  
雪漁爲置桃葉六疊韵謝之

君家玉樹遶階發，我獨曉衾抱孤月。紅螺酒斷玻璃雲，  
碧桃春冷胭脂雪。仙人秘授返魂香，舂蠻垂絕重焚黃。  
敢望薺甘茶拚嚼，萬一紫虛叨賞格。豈特酬恩尺珪白。

留別雪漁

秧畦水淺飛雙鷺，蘭漿去經桃葉渡。回頭悵別四門雲，  
烟樹蒼蒼雨聲暮。吾生偃蹇孤生松，一子不結千針空。

刪後詩存

卷之五

七

此行蹶躄述所向，終藉高人方竹杖。杖頭錢盡酒堪賒，  
稽首家祠陳灌鬯。來春老竹龍生孫，海門雞唱扶桑暎。  
照我雪軒梅屋下，重臺花發顏如赭。石筍闌干平繫馬，  
從子高吟酌三雅。

謝津夫墨梅十四韵

臥雪仍苦暑鳩工，敞軒楹忽見古梅樹。挺立虬枝撐香  
氣，恍撲鼻兩腋陰風生。西隅挂玉盤，星稀天四更。冷霜  
沁毛羽，似聞凍雀聲。拍手得奇境，簷下掉臂行。旁觀笑  
我癡，手指云丹青不見上方署。矮行頌和羹，措眼更諦

視妙畫果通靈柯株不結實瘦影支寒廳感君爐韜巧  
幻我土木形居然玉璀璨萬朶開春晴行見夏陰綠露  
垂子星星何用酬嘉惠三白梅花觥

梅花三白  
幽湖酒名

擬桃源人贈別

種桃果何年判此仙凡界意表忽相逢歎曲杯酒在三  
日面尙生臨別犬重吠黯然此中人送子出花外再來  
正難期把袂撚衣帶子去勿浪語少見多所怪儂是秦  
頑民地偏心實隘漢朔且不知而况魏晉代尋船得歸  
路落紅春滿載杳杳聞櫂聲白雲斷山背

測後詩存

卷之五

三

擬漁人復入桃源

我非蓬壺仙曾入桃源洞此境熟難忘把篙尋舊夢路  
曲恍可憶雲深鳥孤送山犬似相識故人色飛動仍是  
前漁師附耳勿驚恐別時記君言慎口嘿自誦何敢告  
郡守謹然聳愚衆雞黍重肆筵宿醪再開瓮桃花已結  
子隔籬可分種吾今老此間風月永吟弄

別雪漁用黃山谷韵

憶昔侍諸老樗材謬推獎頑礫就磨礪塼泥受陶族世  
途極嶮巖儒術幻狡駟談理亂塵拂摹古掠影象吁嗟

紫陽峯一瓣烟絕饗楊園有遺編開雕蜀山敞讐訂苦  
經營棗梨託精爽千秋契薪傳斗室恣遊賞何來城門  
火貽殃化宿莽遂斷峽水槎遠繫越山榜羈迹隨雁鴻  
備書寄宗黨嘈嘈侶蒙稚邨邨食蝦蟇意外得吾子長  
爪救癩癢片語訂古交乍別每神往新篇豁吾瞽麤賓  
躍方響危坐意醒然終年覆盆益獨釣雪江魚此世寧  
可兩媿余結習深狂態未除曩髮白徒醉眠虛叨十年  
長垂死未產兒孤筇涉莽蒼平生歷崎嶇回頭那堪想  
落日戲南簷蛛絲織空網仁者不遐棄憐我若祿襪小  
刪後詩存

卷之五

古

星荷採擇瓜瓞祝嗣廣似續丁衰運吾道亦孤掌扶植  
賴有君塵霾志掃蕩胡爲廁竿求遠別竹逕蔣作歌語  
刺刺剪燭心養養今夕挽雙袂明日掉孤漿挈家雖屢  
約老嬾恐成詎

同人集蘧廬對雪戲作禁體用貝清江韻  
霽雲方游揚朔風復鼓盪小婢擁絮愁手僵不成紡煖  
酒宴佳客虛堂契清賞嚴威襲衣襟寒光照燈幌繞樹  
忽三周墮簷時一響冷吟句澁縮醉眼夢惚恍萬有還  
太始六合入無象薄暮漁者歸短蓑鶴披氅

移居

廿年七徙居蒼髯已垂雪一逸償百勞入閒茆始結廬  
湖滙而北定泉甘且潔霽旭照版扉波光互明滅雙橋  
翼東西鳳棲儼行列旅燕喜有歸喃喃語更迭聞我何  
所營庭花香可擷客來淪茗甌蔗漿滌腸熱長筍祈抽  
篁種瓜冀綿瓞此意亦等閒何況諸瑣屑浮生同蘧廬  
王侯值一快容膝得粗飽底用慕饕餮開軒揖明蟾倚  
床聽啼鳩千載懷暮春和風逗簷闕

追和唐人盧綸夢桃源韻

刪後詩存

卷之五

五

泊船入深谷攜琴坐花陰黃髮結盟語移家托空林覺  
來笑吾癡慨然天地令

觀清渠作畫

醉中畫醒石雨中畫枯樹嵌竇生玲瓏花葉忽飛舞是  
閒有酒趣與天相水乳真機所流盪不由我爲主頃刻  
數幅成疾風捲荷渚此興從詩來詩捷畫如許世間工  
畫人都不諧韻語一卷清渠詩持歸作畫譜

憎蟻柬厲雲程

憎鼠當畜狸患蛇則養鶴蚊雷烟可驅蝨山火須烙惟

有槐國蟲種類億萬橐趨羶巧鑽刺黃緣上高閣疾足  
不假翅利喙銳于鏘先幾如占風奢慾等填壑貧家新  
徙居笥籠未開鑰彼乃巧盤踞呼朋飽咀嚼也姪營兒  
孫精華幻糟粕甚且迫床第剝膚恣屠諱哄人作牛鬪  
聒耳成雀躍早起捲幃席無策可熏灼題詩叩厲君問  
醫必扁鵲龍宮及金匱爲我細裁酌無負博物名縮手  
亦前却取侮么麼兒潰堤資大噓

讀書所見

小狸身負蝨告母忍羸痛掉尾日捫取我寡口乃衆忽

刪後詩存

卷之五

夫

來花竹陰稚雞偶隨從雞就狸啄毛狸狎與狎弄遂乃  
弛體眠任彼窳搜空豈無誤傷慮切膚患敢縱人爲羣  
物靈同類每相閱見善思琢磨聞過緩規諷不德反含  
怨甚且結讐訟有如之二蟲情義何鄭重倚牕一嘻吁  
燕泥落虛棟

題及谷夫梅

津夫愛寫梅得梅之風度有意無意間斜枝籠淡霧谷  
夫以骨勝下筆挾雷雨磅礴逞馳驟嬉笑兼罵怒有時  
畫霽天氣勢亦奔注蚪蝨各挺援叢花共回互綠萼與

紅英低昂兩相顧鵲聲出紙背啞啞驚老蠹故人去我  
久往事若飄羽遺迹儼生存精爽或依附惜我不渡江  
行笈謹藏護持示梅津老酣歌賞其趣

題醉太白像

金鑾殿上親調羹沉香亭畔水頰面花牋立進清平詞  
玉環領歌醉婉變世兒驚詫奇特事謫仙眼中如過電  
平生知己賀知章此外瑣瑣當車螯有鞞可辱璫豎手  
得罪何妨流夜郎漁陽鼙鼓動胡雛馬嵬收淚歸魚鳧  
吾早見及爲公誦蜀道一篇試吟諷噫吁嘻兩間何地

刪後詩存

卷之五

七

非狼豺磨牙吮血相喧喧惟有酒鄉一片土百年與我  
無嫌猜君不見道旁瀟灑雪中蕉生意枯槁仍道遙浮  
生夢鹿本須與何用抵死爭區區兩童子扶我行醒眼  
笑我腹膨脝豈知老子拍拍滿懷都是春畫中猶跛謫

仙人

贈林屋山人王洪緒

林屋山人書滿腹玩世生涯隱醫卜揮毫直捲太湖雲  
七十二峰生彩霞少時任俠負奇氣中年折節窮經藝  
晚深好道絕塵囂一軒娛老圃芭蕉灌花蔣藥課山童

疊石疏池坐釣翁人間華廡等糞壤朝茵暮燐驚惚恍  
縱饒沒齒保岩廊容容厚福名不揚何如山人日高獨  
晏眠易理靜參未晝前他年論世何等人縹緲峰頭太  
古春

題顧繡盆菊

蛾眉秋曉坐蘭閨禽聲杳杳當牕西冰蠶吐繭炫五色  
暗度金針指頭澁迴腸九曲亂如絲閒愁萬縷繚繞之  
繡成晚節東籬花寒香瓣瓣黃金芽嚴霜磨折老不變  
笑煞春英落如霰良人塞上博功勳閩中遠山生皺紋  
刪後詩存

卷之五

六

何如田家古瓦盆酒熟看花傳兒孫

補

疊韻答雪漁

淵淵鼉鼓聽朱鷺短棹娥江逢競渡穿梭勁槳捷如飛  
喧歌不覺千山暮歡喜嶺頭矮矮松碧影寫天濤捲空  
翹首四壘震東向詩來指示桃枝杖盃餘莊誦口生香  
一醞薰人鬱金鬔我無雛鷓君弄孫臨池洗硯波溫暾  
白句池水  
暖溫暾 此境直分床上下媿辭強和面塗搽何年堂  
尻看竹馬免使蓼莪傷小雅

別注津夫用山谷韻

津口結屋梅爲宗小春幾朶玉頰豐往來行客笑不識  
或是秦季商山翁與公七載倡復和荒江月落琴心空  
雪中老漁我所契此外礫礫羞雷同今宵握手遠爲別  
忍使孤舟帆挂風羅浮一樹烟乍籠公方小醉且停椀  
贈我錢龍新粉本

刪後詩存

卷之五

九

刪後詩存卷之五終

刪後詩存卷之六

客星山人陳 梓古銘

古體詩 四

麥日集玉山堂限韻

阿瑛玉山堂名流昔吟嘯闕代此繼美者年雜英少門  
前春水磯臨檻可坐釣况逢曠達人詠諧入神妙自遂  
一時樂幸免千古笑劍運盛先占醉態醒所料此中會  
其微拍案當大叫回頭看盆梅孤影寫清照

次雪漁送吳生見省五首

刪後詩存

卷之六

一

一別經兩春梁月入夢寐屈指七載間唱酬極興致相  
賞非雷同力諍豈表異我貌日加癯子容色生晬刮日  
三夕驚所得去而倍如何天外峰晨興眼雙諦把臂不  
易期鱗鴻亦稀至

樊子力辭去嫌我髻純白憶昔初來時驛路越五百容  
易背主恩翻飛等翔翮一枝苟安棲何人敢彈射誰謂  
樛木歌于今此風息人乎果誰尤默念已當責主器不  
自振翮贊總無策世運悟消息焚香讀義易

神龍蟄深淵羣魚口煦沫周赧無寒年魯桓有豐歲山

霧未軒豁江濤怒滂湃災祥不善推明了反昏憤此理  
惟君知長吁足頓地寸管係千古細瑣嬾登記慣見總  
等聞咄咄何者事推臆竹蕭蕭陰風含雨意

東樓望蚤霞一瓢我曾主隣菴高樹陰三伏借避暑隔  
此已三秋年華疾如羽君來作後勁熱不因人釜談經  
善闕疑郭公及夏五諸生附修纒渫井共汲古媿我泊  
他鄉落日吟獨苦春水漲衡門閒鷗默自數美人隔重  
江桃花亂紅雨

吳生志洗俗冰玉凌清秋束裝卜遠行把柁向前此檣

刪後詩存

卷之六

二

櫓夕果泊蘋藻晨可羞荒徑蒿滿門終少羊與求送客  
詩已到行子帆乃收畫卦費客揣藏酒虛婦謀自顧瓦  
缶質大叩慙鳴球此行雖不成佳句寧莫酬畫餅亦果  
腹聊用舒羈愁神交畧行迹失德非乾餼

南谷招賞梅余適往遯野不起

連宵苦宿醒避酒如避狄遯野饒甘泉七碗腸可滌扁  
舟泛北溪中流楫頻擊世事如洪波老驥嘆伏櫪塵市  
多喧囂誰堪證窳聞來尋素心人高談慰長覲寒月照  
軒牕微風響蘆荻回思涇上梅柴扉雲寥寥諸公鬪新

吟空江恍聞笛夢中耳獨清竹梢露一滴

聞烏次倫表韻

林間鳥反哺夜夜啼曉霜積雨苦泥淖穫田無餘梁微  
禽知報復子母時相將而我獨何爲孤舟滯江鄉違親  
博斗粟得失安足償輾轉不成夢撫枕盼曙光黃河從  
天來萬里源流長起望一浩歎北風吹衣裳

次答李鍊君

所思渺何許錢嶺東復東一葉隨風飛夢寤長相從黃  
姑隔河沒杳杳月正中間鷗坐汀渚清露涵芙蓉晨起

刪後詩存

卷之六

三

開北軒矮松臥蒼龍

洪波騰百川孤星屹江渚翹首雲迷茫月上冬青樹北  
雁傳好音三秋道修阻長吟激我懷憂思繭抽緒

希聲久絕響獨眠抱無絃華胥逢稽康廣陵爲我彈春  
歸鳥啼谷日暮雲滿川此意何人知當食興長嘆感子  
惠良規什襲珍琅玕出處各努力何地無讒言

中秋同人集梅溪書屋芬佩以疾不與卽席成長

歌

昨夜月芒危隔曉曉起東牕日杲杲攜筇喜踐南村約

夾路稻花風嫋嫋，入門金粟未開花。海棠插瓶紅染霞，  
諸賓旋集各拈韻。東冬真文灰佳麻，詩壇老将獨裏足。  
小腹膨臍指麻木，自言十月陽春候。病起吾廬解眉皺，  
堆盤肥蟹邀諸公。短調長篇共馳驟，我聞雖快期尙遙。  
今夕牛耳當誰操，團圓皎月不多得。得酒且復閒推敲，  
邁舍清波戲雛鴨。蟋蟀微吟石苔壓，松陰欹坐秋頓涼。  
哈密瓜甘畏剖嘗，燒菱煮葑十拆餅。藕絲不斷杯覆瓿，  
紅日西頽鴉亂啼。白鬚兩翁醉不醒，三字明行嘉木才高興。  
轉豪怒飛捷似鷹，解絲當前歌嘯已。非偶更指黃花訂，  
刪後詩存

卷之六

四

重九主人世澤梅花午，騷雅傳家推繡虎。有兒七歲誦  
爺詩，滿案塗鴉手。畫肚三楹老屋留，至今雙賢以後誰  
酣吟。吾輩風流重跌宕，安知不駕雙賢上。但願年年健  
飯此中秋，六子高歌溪上頭。人間榮勢南柯夢，那值吳  
儂一笑休。寄書謝國知且不寄書謝國知且不寄書謝國知且不  
送蔣擔斯去遂安之蒲圻縣，懸來開羅對門。石英不可採，去訪芙蓉山。富春不下釣，來尋鸚鵡灣。丈  
夫志桑蓬，道里安足計。出門卽他鄉，遠邇總如寄。何況  
武昌魚，本勝建業水。碧雲寺裏落日紅，何如黃鶴樓頭

暮山紫興酣一棹賢主賓把酒高歌秋復春破雞兕虎  
聚而語口碑兼頌蓮幙人媿我鍵門守殘蠹月出三更  
坐泥塑人間理亂情不知注目溪雲過庭樹

題與石居菊

我昨看菊哦新詩中有一朶風擺枝客言花慧似請益  
當以古風褒寵之吾聞五柳酷愛東籬花不過亂頭粗  
服枝幾極偶然把釀對南山晚香撲鼻秋意閒後來踵  
事增繁艷殊名異品千百般半年辛苦有誰惜瓦盆羅  
列華堂間如今更重外洋種心粗瓣大擁而腫物貴時  
刪後詩存

卷之六

五

尙非人爲陶公與我俱攢眉其間惟有一種鷺兒黃細  
毛茸茸如飛翔世間絕少白衣守是花是酒君請嘗花  
聞吾言應大笑捲起湘簾月初照

挽芬佩翁八首

存四

卍角同視席中年託姻婭遯野日盤桓詠吟接晨夜行  
輩有後先規勸不假借相與訂千秋等雲跨嵩華

契澗十二載峽山復越水郵筒遞新詩江天晚霞綺刪  
定志謏劣登梨挾精髓所恨鼠橐貧全豹管中指

白首戰棘闈老將稀封侯酒後每擊劍淚落不可收先

人未歸土終天抱隱憂同學俱不賤裘馬馳皇州

六子訂詩社雙賢遲

去聲

不來環青幸杖杖止酒陳空壘

方怪仲車別不看吾盧梅梅在主何往冰花爲誰開

訪菊次王直夫韻

名道漳浦人字松江之金山

皎皎秋露英眞色素爲絢籬東久荒蕪淡泊浪外羨無  
弦誰嗣音當續五柳傳霜晴孤鳥飛月明夜如練九峰  
泖水清鳴琴聞宓賤南國多佳人綽約那之媛平生寡  
所諧世情絕依戀惟有塵表姿佇立心相捐

李鍊君自鴈青山寄贈秘閣印色曹墨晶鏡報以

刪後詩存

卷之六

六

詩

六十眼花書字錯五指薑芽虛秘閣何人贈我雙日月  
永夜光芒照巖壑郵筒遠遞四千里鬆匣義罍各完美  
宜和古方鶴頂紅易水舊製今曹公湘江一笏斑爛竹  
寫出盤山似盤谷山人圖記手撿括雅物懼爲靈鬼奪  
果然神護穩致此鯉躍鳩翔傍溪嘴老夫展席成報章  
空勞四子俱升堂神交在德不在物物邇人遐心孔傷  
何時繫馬鴈青下一縷茶烟問樵者與君啜茗話平生  
壘塊填胸一傾瀉

題王穀原石梁觀瀑圖

梅津邀我遊四明雲南雲北虛經營雪漁約我遊括蒼  
天門天姥徒悵望穀原昨歲來幽湖許寄石梁觀瀑圖  
明知畫餅饑暫充眼穿不到心忡忡連朝雨昏掩關臥  
橫卷忽投驚起坐千峰萬峰羅眼前哀湍急溜傍耳喧  
似將數千載間不平事一怒直瀉愁無邊寫圖者誰出  
兩手物外閒身空際有一物一笠意蕭然萬派真源君  
識否噫嘻吁自有瀑布以來觀者君試數其間傳人一  
一孰可舉或者王君差自許還問世人誰可語我欲詰

刪後詩存

卷之六

七

畫史胡不添寫長髯客星子七尺老藤雙屐屨與君對  
坐看雲起實實虛虛願各償免使垂涎一張紙

七夕同人集小齋分得九孔針漫成十韻

穿針孔尙多孔多穿更難一絲而貫九得巧羣笑歡昔  
者唐宮中玉環醉凭肩諸妃列瓜果錯落遺花鈿夜半  
長生殿私語情悄悄一轉九迴腸回互如絲纏絲長不  
可斷胡騎爭相牽九廟幾成塵百孔攢憂煎乃知拙者  
勝過巧生變端哲王遠聲色冥坐如針氈此意吾所師

雅歌奏當筵

題墨牡丹湖州吳山人畫周氏所藏

嘗聞濂溪云牡丹之愛宜乎衆吾謂衆所好者徒在色  
使產硯池有誰重達哉濂溪今耳孫乃屬梅花道人淡  
寫富貴烘浮雲朝霞洗盡脂粉態暗風拂拂香氤氳吾  
鄉昔有天池子墨池直瀉天河水惠崇尙在驚濤中何  
况邊鸞越千里滄洲之波白陽派筆花生瀾亦滂湃花  
王起舞笑乞辭吾醉誤作荷花詩誰能更買鶯溪絹別  
寫荷花大橫卷泛酒截筒裳製葉脫屣富貴夢中蝶坐  
看茗上青芙蓉冉冉閒雲千萬疊

刪後詩存

卷之六

八

一壺酒歌和周紀善是修韻首句仍原詩

一壺之酒三四客滿醖空清十月白人生知足隨處可  
愛此當牕新竹色古往今來誰短長榮枯得失寧有常  
起望前村數株樹片帆迢迢隔南浦盡是征人離別路  
吳趨越絕總流寓畢竟家鄉在何處酒雖少君莫悲詩  
雖多奚以爲尊前有榻卽高眠杜鵑休勸不如歸

立夏日作效香山體

至微者燈心偶懸屋棟間此屋苟不燬此草足千年人  
於千年中壽者百歲全次者六七十其下旦暮然有酒

不肯飲笑爾徒癡顛曉來摘青梅苦中帶微酸隣曲饋  
新葢綠珠顆顆圓朱櫻與青蚶瑣瑣陳豆籩老夫戶雖  
小麥燒嘗滴涓一勺復一勺照鏡成朱顏醉翁不在酒  
臥看畫中山

題莊大倫僧裝小照

賈僧拜呂黎禿頂加冠巾天民偶祝髮後卒入其人如  
何定山喬葱嶺呈化身慕彼天女花窈窕生芳春半袖  
朱袿裝燦爛逾袞紳如意縱揮灑指示不二門松聲與  
泉響觸處談真源我見意慘怛方寸滋疑難是豈陽明

刪後詩存

卷之六

九

邪隆冬中祁寒抑或憤世激正言乃若反本擬化髡緇  
三加飾絃繩陽釋而陰儒詭幻托異端方茲俗學熾韁  
鎖紛拘牽沾沾博科第白首窮鑽研誰歟塵網中突破  
羣蝨禪君能力解脫一髻煩惱緣不以醒逐醉寧非凡  
超仙吾爲下轉語衛道殊不然入定非養性所辨毫釐  
問神通恣游戲其流爲狂顛于禪左袒降于孔倒戈鋌  
齷齪黃與贊萬古書奸頑君名曰永思字之曰大倫倫  
莫重君父思惟孝爲先孝子寫此圖何以對雙親願君  
思更熟悟徹人獸關起坐撥爐火大笑焚蒲團

鏡畫歌 有序

燕湖冷工梁某頗解詩畫能于爐錘間隨意作山水花鳥精巧無比創古所未有昔中散隱于銀梁殆非常流歎詩以紀之

畫工鑄山水楮絹有時朽蕪城良冶獨錚錚文火鎔來飛與走胸中壘具成竹遠岫疎林淨如沐擲地鏗然戛石鳴無聲之詩今有聲前身定是龍眼老亘古所稀心特造了無姿黛媚時人稜稜峭骨眞精神蝸涎蠹咬斂而退雨露無恩雪霜避吁嗟乎梁君吾有故園松柏青氤氳何時磅礴整爐鞴烈焰光中染蒼翠不勞滛巧

刪後詩存

卷之六

十

龔迂談千秋卓立南山南

題畫鶯

寶王少日矜紅掌右軍愛之書技癢會稽老姬錯解意善鳴乃作鼎烹烹可知物無雅俗雅在人秋蓼紅紅漾水濱淮南花老飛黃雪香稻登場恣饕餐今年田熟老農寬恩到雞豚忘瑣屑蒼蒼白自綠波間日影天光相與閒小山招隱此中可何處行藏不由我君不見僖宗愛鶯鶯競獻一鶯價騰五十萬當年委政田令致宮中爭養黃鶯兒鬪鶯鬪鶯曾幾時惹起黃巢百萬師

懷友篇用劉靜修先生歡飲一首韵寄謝雪漁李  
平生慎交與投合乖機宜同心二三子都非少壯時死  
者長已矣存者今何之南北路迢迢會面茫無期耿耿  
欲有言脉脉當告誰五倫重契友豈貴知我希命駕昔  
何人忍使素心違飛鴻託短篇哀音無好辭

東坡笠屐圖

何人寫我赤壁仙衫袖翩翩挾飛羽飽飯細和淵明詩  
海外雄文鳳高舉薄暮偶從田舍歸拍手兒童笑而語  
刪後詩存

卷之六

士

屐下何曾有安石笠頂空沾相公雨  
人夢云兒  
長夜方酣眼羔兒入我夢開眼呼我兒失聲如破囊鳴  
呼七月兒廿年夢汝猶一慟汝死廿年有爺哭爺死一  
朝有誰痛  
題米顛拜石  
磨礪藉他山峻嶒非癖愛得如原思廉何妨伯夷隘眼  
中都碌碌非子復誰拜子倘爲柱石棟梁勿傾壞軟熟  
爲佞諛骨鯁俗所賴丁寧告我丈鞠躬揖而再

插花人歌

揚俗尙瓶花有專司名手爲富  
家主共役歲得值十萬錢許

種花不如插花好種花人多插花少插花人巧奪天工  
百瓶百樣無雷同豪家軒亭羅供養水晶玻瓈鬪洗盞  
梅花蘭菊松柏荷風光四季占不多要令元宋唐人畫  
幅幅當空折枝挂誰誇能事插花仙歲博青峽十萬錢  
我來借問插花者眼中興廢誰多寡去年几上繁葩紅  
今年冷落牕擺風今年堂上百花燦昨歲罍空塵滿案  
人間榮瘁了無憑高岸爲谷谷爲陵歲歲開花花不惡

刪後詩在

卷之六

三

只恐供花瓶折腳高曾遺業傳兒孫看來只有插花人  
送蔣山人峯歸杭州

豈無幼婦詞揚州愛金不愛詩豈無右軍技揚州識錢  
不識字豈無六如派揚州好縑不好畫吁嗟乎蔣君君  
家三徑竹竹上子規啼不如歸去編茅屋六橋山水湖  
心亭手把紅螺看新綠

黃岐周抱兩硯自故山抵揚乞銘兼請訂四傳管

窺

癡兒慕騎鶴達者挾鸚鵡鸚鵡不孤飛更抱龍尾玉千

里來乞銘此興良不俗吾爲第甲乙歛產此其獨端雖  
兩眼明肌理欠溫淑大都歛與端優劣互反覆歛無紋  
則棄端有紋不蓄無眼儘多奇有眼豈漫緣徒以形象  
求所見終碌碌譬之青烏家虎蹲與獅伏黠穴一失眞  
遺骸委溝瀆君方論春秋卽此義可觸權衡苟不精揣  
測等五十四傳紛如麻吾胸少成竹安能剖君疑絲絲  
上機袖天或兩假年十載更批牘玉石其磨礪剝膚見  
紅肉勿使卽墨侯笑指髡枉秃

疊舊韻送王載揚北行兼寄廬青山人

刪後詩存

卷之六

三

入春三月眠病久成積嬾昨朝暫出市眼蹌一笻短聞  
君將遠行如何見面罕憶我曉巢隱松逕發鷺卵淡靄  
生茶烟蓬門白雲歛海藏隔溪鐘何人結遊伴無功盟  
未寒元禮席重煖老夫畏長征守株羞服袒汗衣也亦曰鄙袒謂  
羞鄙于袒聊寄尺函書名山助修纂

田家四聲存二

春水繚廓蠶響飼簇繅繭播穀新樹炫綠

鳴鼓救月涼樹臥犢蛙語互答蝗子覺族

里來漁家四聲

蘆渚戲鴨船嘴挂旭垂柳似箴遮我破屋  
冰浦鏡結竿餌釣月天縞地玉容我臥雪  
樵夫四聲

雲影障谷幽鳥弄竹持斧薙葉留此勁木  
岩險道曲鬢捲髻禿棋了半局柯可爛不

牧子四聲

豐兆預卜槐下蔭犢冠小製箬疎雨聽竹  
橫孔背笛橋左送日羞與夢逐蓑展臥石

答雪漁寄懷四首

刪後詩存

卷之六

古

苦竹背朝曦花開不當時上有共命禽十載長乖離末  
疾侵膏肓憐我毛血衰秋江淨如碧皓月同襟期冬雪  
坐漁艇何由一竿隨編笠擬相餉遠意慚多儀

孤桐植山陽子立旁無枝厚土自盤根不受風露滋朱  
鳥忽來巢巖穴生光輝鳳去天黯淡夕陽失憑依一舟  
揚子江飄泊隨東西黃花務晚烈寸心難自持流水日  
湯湯遐哉鍾子期

結綠墮瓦礫瓊瑛晝含輝白雪久絕絃疏越存幾希美  
人隔南江綽約芙蓉枝醉中一攜手落月空徘徊床頭

蟋蟀吟夢覺心惺惺誰能竟此曲頓使肝腸摧天地不相惜何用徒歎歛

客中苦索居出門亦何之掩扉撥玉蟲琢句勞詩脾尺幅畫枯樹亦似雲林倪書來千里鴻先生情我移見面仍不見時寄雪漁小照相對四淚垂君顏亦蒼老我心尙童孩寶珠濁水洗良玉他山資茫茫二十史半部當分未死各參訂兩慰饑渴私

題雪漁照四聲

心冷過鏡漁喜畫雪其淡如菊其靜如月舟小浪撇風

刪後詩存

卷之六

五

轉柁怯寒浦續挾春鳥噤舌君把勁楫瀾抵萬折頭腫汗浹何乃太拙

焦螟巢歌和廌青山人韵

焦螟巢少許勝多許六合不挂儂眼下卽而探之渺無所惟小無內大無外一彈指頃一元會何待黃楊始知退人呼焦螟焦螟勿聽頽然冥形化曉巢生么麼此八極通我左鼻息

哭四然道人二首

我爲無兒悲君爲有兒泣彌留語古歡魂向海濤泣

易

時告謝子雪漁曰薄  
檢吾棺浮海去可也

畫中面南枝梅花曉髮濕朔風吹  
不落含馨佇晴日空山無人知妾意自專壹所爭雖藩  
籬其關在閨室慷慨平生心豈徒繼與述

昔者草堂火拙詩乃馳賀數不過偶然士肯受勢挫廣  
厦于萬間羣黎共安臥壯志竟何如垂老耐寒餓吾亦  
嘆饑驅隻身餘半箇慟哭大江濱狂濤北風大何時從  
九原子琴我歌些

三月十八夜夢亡兒孝羔

開棺索爺抱抱兒到娘前冒雨循橋東風急薄暮天衣

刪後詩存

卷之六

六

袖帶屍氣皮肉偏鮮妍生者精已離死者灰復然世事  
每丁倒枕頭涕涓涓

水風集司空表聖句論詩二十四章章四句

窈窕深谷蓬蓬遠春碧桃滿樹與古為新風大可憐

孔杏在林時見美人明漪絕底空潭瀉春

落落欲往如覓花影娟娟羣松識者已領

畫橋碧陰晴欄之曲矯矯不羣可人如玉

如月之曙悠悠花香碧山人來濯足扶桑

築室松下碧苔芳暉荒荒油雲冉冉在衣

落日氣清明月前身超心鍊冷如鉛出銀  
超超神明如寫陽春白雲初晴庶幾斯人  
寥寥長風積健爲雄壯士拂劍真氣內充  
左右修竹楊柳池臺玉壺買春清酒滿杯  
疎雨相過冷然希音悠悠天樞妙不可尋  
如氣之秋與之沈浮天風浪浪淡不可收  
花時返秋夜渚月明一容聽琴大河前橫  
脫巾獨步綠杉野屋露餘山青人淡如菊  
金樽酒滿之子遠行落花無言時聞鳥聲

刪後詩存

卷之六

七

清露未晞奇花初胎妙機其微伊誰與裁  
太室荒荒素處以默幽鳥相逐蕭蕭落葉  
南山峩峩天地與立是爲真宰生氣遠出  
月出東斗行神如空海山蒼蒼高人畫中  
不著一字俯拾卽是晴雲滿汀大風捲水  
大道日往百歲如流獨鶴與飛隔溪漁舟  
脫帽看詩人聞清鐘取之自足得其環中  
手把芙蓉賞雨茆屋巫峽千尋上有飛瀑  
相去幾何鴻雁不來幽人空山水流花開

左右手問答

左右兩書嘿相競夢聞絮語靜可聽左曰吾敢望公圓  
且熟右曰吾却遜子古而勁吾每使側筆取妍反成病  
子摹撥鐙法中鋒守其正左乃笑俯首曰可助談柄虛  
拳吾豈能實指本非性其勢坐處逆骨節半生硬強以  
就繩墨兢兢惟一敬譬如處季世百事總安命不敢縱  
以馳庶幾免悔吝左方整襟莊以言右忽再拜泣而請  
吾知過矣吾悔晚謹奉子言作金鏡

補

刪後詩存

卷之六

六

祝人齋託何炳黃見寄薦青山人書火于山左逆  
旅志慨

薦青五言詩蘄北稱獨步特寄入行書鈴印密封固祝  
融亦好古中道攫之去逆旅安得災當以薦青故聞此  
長太息不如投水趣入我魚腹中猶薦三閭墓

疊舊韻寄故山諸子

雪篷幾時製大足養閒嬾水深篙用長水淺槳利短危  
檣傾仄多輕載覆者罕荻岸從鷗眠蓼灘拾鴨卵白雲  
爲我遲丹楓爲我欸汝湖久孤寂終來覓老伴墨鱗數

尾香黃酒半壺煖雪饗興轉豪天寒醉偏袒此約恐不  
踐常語當經纂

題鋤地圖

揮鋤不見金金在耦耕手此心穿榻時錢石鍊已久賊  
瞞亦可仕乘軒在門口何待椒房披髮走嗚呼虛名自  
古遠人恥君看龍頭是牛後

題胡生榜濮川問渡圖

一峯訪康齋當門石崔巍勞攘何乃爾云造御聘碑一  
峯默而退矯首徒歎歎我幸無此遇定泉白鳥飛娥江  
問渡人耕夫方耘耔衡茅殊不遠夕陽在荒籬停櫓不  
輕進軟語囑篙師羣雞方啄食莫遣上樹啼

刪後詩存

卷之六

元

題贈張圖

08320

刪後詩存卷之六終

